

江陵縣志卷之二

方輿二

星野

後漢郡國志註帝王世紀自張十八度至軫十一度  
曰鶉尾之次於辰在巳謂之大荒落於律為夷則斗  
建在申今楚分野

費直起張十三度至軫六度蔡邕起張十二度至軫  
五度為荊州

晉天文志十二次度數自張十七度至軫十一度為  
江陵縣志 卷之二

方輿

星野

一

鶉尾於辰在巳楚之分野屬荊州州郡躔次翼軫楚  
荊州南陽南郡入翼十度

舊唐書鶉尾之次巳初起張十五度中翼十一度終  
軫九度

邢昺云巳為鶉尾初張十八度終軫十一度

按古今時代不同宿度推遷靡常攷漢太原度與  
晉聞喜度懸殊唐宋經度俱各不符近如授時度  
不同大統度會天度不同元啟度開禧度不同統  
天度今之



時憲度又異乎授時度矣蓋天體舒而疾左旋順行  
漸差而西過地辰次宮右十五度七政速而遲右  
旋逆躔漸差而東過地辰次宮左十五度且宿度  
移躔之分數如辰戌丑未純木矣人猶以爲金宿  
金越木度此木度已屬於金乃猶以爲木宿土包  
金度此金度已屬在土乃猶以爲金度又如參觜  
兩宿水火互易百數十年乾隆癸未年始復觜先  
參後矣今查乾隆五十六七八年

欽定七政經緯圖盈縮度分星共七度四十分 張十

江陵縣志

卷之二

方輿

星野

二

七度四十分 翼十六度十七分 星五至八共  
四度占巳初 張十七度占巳中 翼初至七共  
八度占巳終此今朝尾之次也晉所謂入翼十度  
者乃後漢之翼十二費之翼六蔡之翼五唐之翼  
八明之軫初今

時憲之張八度也是南郡之星野移躔不常矣因列  
圖焉

又按百秒爲一分計五千七百九十六丈六十分  
爲一度占地一千九百三十二里每一辰次三十



度占地五萬七千九百六十里江邑爲地百餘里  
今不過得張八度中之分秒耳若欲悉其在八度  
中之幾分秒非專家莫屬也新舊符志猶因襲舊  
文以翼十度概之似於歲差之理未經細爲考覈  
俟高明正之 以上舊志

按周天分野圖說三百六十五度四分度之一後  
人占星者悉以十二次之辰分爲三百六十度便  
推算也十二辰爲子丑寅卯辰巳午未申酉戌亥  
順而環布於天亘古不能移易二十八宿則逆行

江陵縣志

卷之二

方輿

星野

三

十二辰每多移動處依歲差之法推之現行新法  
以二十八宿每歲東行過宮五十二秒 六十秒爲一分六十  
分爲一度積至七十年餘便差一度黃道過宮由  
此新法也

此而異據漢班固三統歷自張十七度逆行人巳  
宮終於軫十一度張共十八度零三分十秒以後  
翼星十六度五十九分十五秒翼星正在巳宮中  
後二十度內故漢書及晉天文志俱以巳宮翼星  
屬楚荊州而星度各殊漢爲翼十一度費直列翼  
六度蔡邕列翼五度晉時列翼十度唐爲翼八度



元爲翼九度明爲軫初度

國朝乾隆辛亥壬子癸丑三年爲張八度今按時憲

書星已轉變卽如丙子年星四度二十六分一秒

逆行入巳宮則古時翼星所居之次今悉爲星星

張星居之矣

二十八宿內有星星星星八度二十五分三十四秒以後方是張星故星星

四度入巳宮星與翼已占巳宮大半矣張度甚多應以鶉尾之次張

星爲荆州分野江陵居荆州東北隅分野卽在其

中總而言之荆州在巳亘古不易無論何星入宮

其星卽屬荆州卽可分占江陵災異時運有推遷

### 江陵縣志

#### 卷之二

方輿 星野

四

正不必拘拘於翼宿也至洛書甄曜度云周天一百七萬一千里一度爲二千九百三十二里則一度所繫如此其濶江陵百二五里何啻毫忽雖在巳宮所占無多剖析微芒是在精於推算者

謹案舊志星野凡列六圖或論二十八宿或論三垣考核詳明有禪星學但合全體而言非專指江陵也茲祇繪本邑分野一星去繁就簡以便查閱

云爾

形勢



漢書地理志江陵故郢都西通巫巴東有雲夢之饒亦一都會也

蜀志諸葛亮傳荊州東連吳會西通巴蜀利盡南海北據漢沔

宋書沈攸之傳江陵一總八州地居形勝

隋書達奚長儒傳江陵要害國之南門

元和郡縣志荊州爲上流重鎮故有西陝之號

渚宮記荊州據江湖之會

資治通鑑楚馬殷將王環曰荊州在中朝吳蜀之間

江陵縣志

卷之二

方輿

形勢

五

四戰之地也

宋史地理志江陵國南鉅鎮當荆江上游西控巴蜀

宋史趙鼎傳右顧川陝左控湖湘而下瞰京洛

宋史王庶傳荊州左吳右蜀前臨江漢

宋史楊震傳江陵雄據上流表裏襄漢

地理通釋胡文定安國曰荆渚江左上流也故楚子

自秭歸徙都日以富強近併穀鄧次及漢東下收江

黃橫行淮泗遂兼吳越傳六七百年而後止此雖人

謀亦地勢使然也後逮漢衰劉表牧之坐談西伯先



主假之三分天下

關某用之威振中華孫氏有之抗衡曹魏晉宋齊梁倚爲重鎮財賦兵甲當南朝之半其爲江東屏蔽猶虞虢之有下陽也 又曰湖北要害在荆陝故劉表時軍資寓江陵先主時重兵屯油口

關某孫權則併力爭南郡陸抗父子則協規守宜都晉大司馬桓溫及其弟桓沖則保據渚宮與上明皆荆陝封境也

又朱文公曰荆州地勢四平其守當在外楚人謂方

江陵縣志

卷之二

方輿

形勢

城爲城漢水爲池是也

又曰江陵山川平曠有中

原氣象

按建邦設都置郡分邑相陰陽觀流泉自古已然人文之興替風俗之淳澆莫不由此州郡自漢唐來必以江陵爲始緣江陵實據形勝之地也地勢由荆門州大小圭山西行至當陽香爐峯其遠祖也分支而東爲三界冢越數十里爲石牛寺又越十里許爲車帽冢皆龍翔鳳舞開大帳而逶迤車帽前後連擘大支者三最先一脉蜿蜒而西至鳳



火冢匡家橋行馬山歷萬城李家埠共屈曲百餘里又循江而走十五里歷破廟馬頭祈真觀總辰廟落脈鋪錦被帳北行至張家廟束氣過峽至西門龍山寺起少祖金牛轉車博武曲金星從城西南隅而入遂循城而東節節向北迴旋

武廟各官署俱占其勝宋司馬頭陀所謂盤龍真格局也至郡城護纏之山不一而足一支自車帽冢冤旒龍過峽爲紀山濠林四方鋪磚橋白馬廟等處而臨海紅花諸港出龍陂而歸三海此籬屏江陵者

江陵縣志

卷之二

方輿

形勢

七

一也一支由紀山後祖師殿西行而南至沙冢起八嶺山自黑山頭發脈下行歷青冢葛陂寺栗林口摩旗冢白馬山十里埠九里冢而結郢城有楊渚梅槐秘師太暉之水出草市關沮而合於太白此籬屏江陵者二也况邑前面大江左有窖金右有天鷲具天關地軸也東下則有郝穴以收潮氣後坐長亭埠嶺左有馬房右有八嶺其輔弼也此江陵之地楚所以都漢唐以來州郡所以爲治也至設險固圉之爲則又在當事之因時制宜耳



疆域

東西廣二百三十里南北袤七十里自府治由長江至省九百七十里由內河至省七百二十里陸路五百六十里至

京師三千二百八十里

東至直路河交安陸府潛江縣界百六十里

西至道遙湖交當陽縣界七十里

南十里過江至普化觀交公安縣界四十里

北至龍陂橋交荊門州界十五里

江陵縣志

卷之二

方輿

疆域

八

東南至魚家埠交監利縣界百九十里

東北至王家場交荊門州界三十里

西南至澠市交松滋縣界六十里

西北至酆臺河交當陽枝江兩縣界九十里

縣屬五汛並列四至八到

東鄉龍灣汛

東抵潛江界

西抵桑湖界

南抵陽關界



北抵荆門界

南鄉沙市汎

東抵郝穴界

西抵本城界

南抵大江界

北抵陟岷橋界

東鄉郝穴汎

東抵白鷺湖

東南至拖茅埠抵監利石首界

江陵縣志

卷之二

方輿

疆域

九

西至馬家賽抵沙市界

西南抵公安界

南抵石首界

北抵圻湖口

西鄉虎渡汎

東抵大江

南西抵公安界

北抵松滋界

北鄉捕衙汎



東抵了角廟

西抵枝江界

南抵大江

北抵荆門界

江陵縣志

卷之二

方輿 疆域

十